

法苑珠林卷第三十六

肇六

唐 西明寺沙門釋道世撰

懸旛篇第三十二

此有二部

述意部第一

肇六

引證部

無盡也

引證部第二

如迦葉詰阿難經云昔阿育王自於境內立千二百塔王後病困有一沙門省王病王言前爲千二百塔各織作金縷旛欲手自懸旛

夫因事悟理必藉相以導真瞻仰聖容敬神旛以薦奉是以育王創造遺身之塔架迥浮空巍起通天之臺仁祠切漢於是華旛飄颻冀騰翥於大千朱紫相映吐輝煥於百億惠風時動清升之業有微微吹時來輪王之報

續命神旛又普廣經云若四輩男女若臨終時若已過命於其亡日造作黃旛懸著刹上使獲福德離八難苦得生十方諸佛淨土旛蓋供養隨心所願至成菩提旛隨風轉破碎都盡至成微塵旛一轉時輪王位乃至吹塵

小王之位其報無量然燈供養照諸幽冥苦痛衆生蒙此光明得互相見緣此福德拔彼衆生悉得休息述曰何故經中爲亡人造黃旛掛於刹塔之上者答曰雖未見聖解可以義求此五大色中黃色居中用表忠誠引生中陰不之邊趣冀生中國也又黃色像金鬼神冥道將爲金用故解祠之時剪白紙錢鬼得銀錢用剪黃紙錢得金錢

城中有一長者其家巨富財寶無量不可稱計生一男兒端正殊妙與衆超絕其兒初生於虛空中有一大旛遍覆城上父母見已歡喜無量因爲立字名波多迦年漸長大求佛出家得阿羅漢三明六通具八解脫比丘見

皆言將我至路有人知我穀盜汝是何神盜主人是黃衣人問云穀賊汝何在此主人乘衣穀賊是黃金之精以報主人食粟之直主人因此言知捉得故聖制黃旛爲其亡人懸之塔令尋之得寶亡靈也又百緣經云昔佛在世時迦毗羅衛

已而便白佛言此波多迦宿植何福生便端正與衆超絕於虛空中有大幡蓋遍覆城上又值世尊出家得道佛告比丘乃往過去九十一劫毗婆尸佛入涅槃後時有王名槃頭求帝收其舍利造四寶塔高一由旬而供養

之時有一人於彼塔邊施設大會作一長幡懸著塔上發願而去緣是功德從是以來九十一劫不墮惡道天上人中常有大幡覆蔭其上受福快樂乃至今者遭值於我出家得道又菩薩本行經云昔佛在世與諸比丘及

與阿難從鬱卑羅延國遊行村落時天盛熱無有陰涼有放羊人見佛涉熱即起淨心編草作蓋用覆佛上遊隨佛行去羊大遠放蓋擲地還趣羊邊佛便微笑告阿難言此放羊人以恭敬心而以草蓋用覆佛上以此功德十三劫中不墮惡道天上人間生尊貴家快樂無極常有自然七寶之蓋而在其上竟十三劫出家修道成辟支佛名阿耨婆達頌曰第六三
寶刹承高露 紹綵映空天 宛轉雲間颺倒下似紅蓮 霞旛開錦色 香氣合鑪煙

飄颻無定所 祇爲本輕旋 池沼萬影現
泉弄百華鮮 凡夜風吹動 重疊輪王因
攀仰無獸足 結侶感留瞻 何知色中緣
招福壽長年

感應緣

略引一卷

宋劉琛之沛郡人也曾在廣陵逢一沙門謂
琛之曰君有病氣然當不死可作一二百錢
食飯餉衆僧則免斯患琛之素不信法心起
忿慢沙門曰當加祇信勿用爲怒相去二十
步忽不復見琛之經七日便病時氣危頓殆

死至九日方晝如夢非夢見有五層佛圖在其
心上有二十許僧達塔作禮因此而寤即
得大利病乃稍愈後在京師住忽有沙門先
不相識直來入戶曰君有法緣何不精進琛
之因說先所逢遇答曰此賓頭盧也語已便
去不知所向琛之以元嘉十七年夏於廣陵
遙見惠汪精舍前旛蓋甚衆而無形像馳往
觀之比及到門奄然都滅自此一驗

華香篇第三十三

此有二郎

述意部

引證部

述意部第一

敬尋釋迦降神羅衛託質王宮智實生知道
惟遍覺演惠明於百億注法雨於大千靈像
周於十方寶塔遍於法界名香鬱馥似輕雲
而散霧寶華含彩若倒蘿而垂蓮虔誠供養

同趣法筵叩頭彈指俱霑福利也

引證部第二

如佛說華聚陀羅尼經云佛言若復有人於
如來滅度之後行於曠路見如來塔廟能持
一華一燈若一團泥用塗像前以用供養乃

至能持一錢施於佛像為補治故若以一掬
水用灑佛塔除去不淨以華香供養舉足一
步詣於塔寺若一稱南無佛欲使此人墮三
惡道百千萬劫終無是處又正法念經云若
有衆生若持香塗佛塔命終生香樂天與諸
天女常相娛樂從天命終得受人身生大富
家又阿閻世王經云過去無數劫有佛號一
切度與其眷屬俱行分衛有三尊者子嚴服
共戲見佛及諸菩薩光明巍巍互相指示而
吾等當共供養二兒答言既無香華當用何

初其一兒脫頭上白珠以著手中便謂二兒
可以供佛二兒効之解頭上白珠著其手中
即至佛所一兒復問二兒持是功德以何求
索其一兒言願如佛右面比丘其一兒言願
如佛左面神足比丘二兒共問一兒報言我

第6

5

欲如佛八千天子皆言善哉善哉若如所言
天上天下一切蒙恩是三小兒已到佛前各
以白珠而散佛上二兒發聲聞意者珠在佛
肩上其一兒發菩提心者珠在佛頭上化爲
珠華交露之帳其中有佛佛告舍利弗中央

兒者則我身是右面兒者舍利弗是左面兒
者目連是舍利弗汝等本畏生死故不發善
薩心欲疾泥洹觀此一兒發阿耨菩提故得
成佛又採華授決經云時有羅閱國王使十
餘人常採好華以給王家後宮貴人一日出
城採華遇佛發心稽首爲禮心自念言寧棄
身命以華上佛并散聖衆縱使見害不墮苦
痛便以華散佛及聖衆却自歸命一心重禮
佛知其念甚慈愍之具爲說法諸採華人皆
發道意佛即授決後當得佛號曰妙華時採

華夫還歸家中與二親別我今命盡爲王見殺父母愕然問何罪咎具答所由無華貢王必見危命故辭別耳二親聞之益以愁感發篋視之滿中好華香徹四面父母告曰可以進王時王大瞋見不時來將人反縛罪當棄而入宮見王面色不變王怪問之汝等罪過命在當殺何故不懼即白王曰人生有死物成有敗無以非法不惜身命朝來採華值佛供上以知違命罪當合死寧以有德而死不足以無德而存還視華篋續滿如故皆是如來

恩仁所覆王甚怪之心不信然故詣佛所問佛是意佛言實然此人至心欲度十方不惜身命故取衆華以散佛上意無想報以得受決將來成佛號曰妙華王大歡喜解縛悔過自責愚意不及菩薩唯原其罪佛言善哉能

自改者與無過同又百緣經云佛在舍衛國祇樹給孤獨園爾時世尊將諸比丘著衣持鉢將詣乞食至一巷中有一婦女抱一小兒在巷坐地時彼小兒逢見世尊心懷歡喜從母索華母即與買小兒得已持詣佛所散於

佛上於虛空中變成華蓋隨佛行住小兒見

已甚大歡喜發大誓願以此供養善根功德

使我來世得成正覺過度衆生如佛無異爾

時世尊見此小兒發是願已佛即微笑從其

面門出五色光達佛三匝還從頂入爾時阿

難前白佛言如來尊重不妄有笑以何因緣

今日微笑唯願世尊敷演解說佛告阿難汝

今見此小兒以華散我於未來世不墮惡趣

天上人中常受快樂過十三阿僧祇成辟支

佛號曰華盛廣度衆生不可限量是故笑耳

爾時諸比丘聞佛所說歡喜奉行

又百緣經云佛在舍衛國祇樹給孤獨園時

彼城中豪富長者皆共聚集詣泉水上作鳴

妓樂而自娛樂為波羅柰國作華會時彼會

中遣於一人詣林採波羅柰華作鬢時採華

人還來會所路見世尊相好光明普曜如百

千日心懷歡喜前禮佛足以所採華散佛而

去還復上樹採華枝折墮死命終生忉利天

端正殊妙以波羅柰華而作宮殿帝釋問曰

汝於何處造修福業而來生此以本因緣具

報帝釋爾時帝釋以偈讚曰

身如真金色 照曜極鮮明 容顏貌端正
諸天中最勝

爾時天子即說偈答帝釋曰

我蒙佛恩德 散以波羅華 由是善因緣

今得是果報

爾時天子即共帝釋來 請佛所佛爲說法心
開意解破二十億邪見業障得須陀洹果心
懷欣慶即於佛前說偈讚佛

巍巍大世尊 最上無有比 父母及師長

功德無有及 乾竭四大海 超越白骨山

閉塞三惡道 能開三善門

又雜寶藏經云爾時天女說偈曰

我昔以華鬘 奉迦葉佛塔 今生於天上
獲是勝功德 生在於天中 報得金色身

又薩婆多論云若四方僧地不得作塔爲佛
法自爲種植若僧和合者得不和合者不得
作之若僧地有種種華應淨人取次第與僧
隨意供給不得私取自供養三寶若華多僧
取不盡若僧和合聽隨意取之若僧坊內不

得起塔作像以近人臭穢不清淨故若重閣

舍若經像在下重不得在上住若塔地華不

得供養僧法正應供養佛此華亦得賣取錢

以供養塔用若屬塔水以供塔用設用有殘

若致功力是塔人者應賣此水以錢屬塔不

得餘用用則計錢犯若塔內無人致水功力
一由僧人殘水多少善好籌量用之

又文殊問經云爾時文殊師利白佛言世尊
諸供養餘華用治衆病其法云何佛告文殊
華各別况一百八遍

誦佛華呪曰

南無佛闍寫治莎訶

般若波羅蜜華呪曰

那末柯盧履_{跋音}般若波羅蜜多瓊莎訶

佛足華呪曰

那莫波陀制點耽蜜莎訶

菩提樹華呪曰

南無菩提逼力龕嵐莎訶

轉法輪處華呪曰

南無達摩所柯羅夜莎訶

塔華呪白

那莫鉢跋耶莎訶

菩薩華呪曰

南無菩提薩埵野莎訶

衆僧華呪曰

那莫僧伽野莎訶

佛像華呪曰

那莫波羅底耶莎訶

佛告文殊師利用此華若諸四衆能信修行

應當早起清淨澡浴漱口念佛功德恭敬此

九

華不以足蹈及跨華上如法執取安置淨器
若人患寒熱額痛皆以冷水摩華以用塗身
若吐利出血或腹內煩疼以漿飲摩華當服
此華飲若口有瘡以暖水摩華含此華汁若
天雨不止於空閑處以火燒華令雨即止若
天亢旱在空閑處以華置水中復呪冷水更
灑華上天即降雨若牛馬等本性不調以華
餉之即便調伏若諸果樹華實不茂以冷水
牛糞摩取華汁以灌其根不得踐踏華實即
多若田中多水苗稼損減擣華為末以散田

中即得滋長若園中疾病以冷水摩華塗蟲
鼓等吹擊出聲聞者即愈若敵國怨賊欲來
侵境以水摩華在於彼處用灑散之即得退
散若於高山有盤石處衆多比丘於石上摩
華摩華既竟相與禮拜久後石上自生珍寶

簡要略述
餘廣依經佛告文殊一一誦滿一百八遍此咒

章句汝於處處當說如佛華法餘華亦爾
又華嚴經云昔人中有香名大象藏因龍闡
生若燒一九興大光明細雲覆上味如甘露
七日七夜降香水雨若著身者身則金色若

著衣服宮殿樓閣亦悉金色若有衆生得聞
此七日七夜歡喜悅樂滅一切病無有橫枉
遠離恐怖危害之心專向大慈普念衆生我
知彼已而爲說法令無量衆生得不退轉又
牛頭栴檀香從離垢山生若以塗身火不能
燒也

卷六
十
又百緣經云昔佛在世時迦毗羅衛城中有
一長者其家巨富財寶無量不可稱計生一
男兒容貌端正世所希有身諸毛孔出栴檀
香從其口出優鉢華香父母見已歡喜無量

因爲立字名栴檀香年漸長大求佛出家得
阿羅漢果比丘見已而白佛言此栴檀香宿
植何福生於豪族身口出香又值世尊出家
得道佛告比丘乃往過去九十一劫毗婆尸
佛入涅槃後時有王名槃頭末帝收其舍利
造四寶塔高一由旬而供養之時有長者入
佛塔中見地破落和泥塗治以栴檀香塗散
其上發願而去緣是功德從是以來九十一
劫不墮惡道天上人中身口常香受福快樂
乃至今者遭值於我出家得道

又大莊嚴論云佛言我昔曾聞迦葉佛時有
一法師爲衆說法於大衆中讚迦葉佛以是
緣故命終生天於人天中常受快樂於釋迦
文佛般涅槃後百年阿輸迦王時爲大法師
得阿羅漢常有妙香從其口出時彼法師去
王不遠爲衆說法口中香氣達於王所王聞
第六十
香氣心生疑惑作是思惟彼比丘者爲和妙
香含於口耶香氣乃爾作是念已語比丘言
開口漱口猶有香氣比丘白王何故語我張
口漱口時王答言我聞香氣心生疑惑故使張

口及以漱口香氣逾盛唯有此香口比丘餘無所有王語比丘願爲我說比丘微笑即說偈言

天地自在者今當爲汝說此非沉水香復非華葉莖栴檀等諸香和合能出是我生希有心而作如是言由昔讚迦葉便獲如是香彼佛時已合晝夜恒有香未曾有斷絕

又日雲經云香煙不盡放地得越葉罪盡五百歲墮糞屎地獄何以故由放恣心故又夜

問經云莊嚴供養具以口吹去灰者墮優鉢羅地獄傍報作風神王又要用最經云鼻嗅香者由減香氣無其福德正報墮波頭摩地獄未來世鼻根無香味又曰供養經云供養香時口不合閉者墮黑糞屎地獄盡其半劫

受罪得無信惠報何以故由起不氣全香故

右三經雖無目錄並感神報故別疏記也

又三千威儀云燒香著佛前有三事一易中故香二當自出香三當布與人具香爐有三事一當先到去故火拾取中香聚一面二當

拭令淨乃著火還取故香著中三火著時熾
然不得吹令炭滅頌曰

齊高士明僧紹

梁沙門釋惠釗

久歇無明樹 方欣柰死華 始入香山路

仍逢火宅車 慈父屢引接 幼子背恩賒

雖悟危藤鼠 終悲在篋蛇 鹿苑禪林茂

驚嶺動枝柯 定華發智果 乘空具度河
法雨時時落 香雲片片多 若爲將羽化
來濟在塵羅

唐沙門釋惠主

雍州渭南山豹谷神香

兼出雜俗
香處

昔宋永嘉年中有外國三藏法師求那跋摩
勑延祇洹寺每於講說四衆雲會嘗夏安居
竟信心看採雜華施僧座下中竟檢視唯跋
摩所坐鮮榮如初預知死時依日先洗浴又
手誦經端坐而化身體香輒於坐下得手迹

感應緣

略引六

宋沙門求那跋摩

遺文一卷其偈曰

摩羅婆國界 阿蘭若寺中 我初得聖果
道迹離諸漏 若於師子國 村名劫波利
進修得三果 是名斯陀含

文帝深加惋惜又於屍所見一物狀若龍蛇

第十六
香薪閣維起塔

古一驗出
梁高僧傳

長一丈許直上昇天僧衆悲戀乃依外國法

升明中村民平旦並見半山有旛蓋羅列煙光五色映照虛空男女瞻望皆言是寶競來觀視了無所見時有法度法師於山舍講無量壽經中夜忽有金光照寺於其光中如有臺館形像弘宣寺中僧衆及淨人等小不如法及白衣賓客有穢濁入寺者虎即出現吼叫廻房響振山谷至今猶爾或有念誦小有疲懈山神現形又著烏衣身長一丈手執繩索僧衆驚懼誦習不懈

梁南冥真寺在秣陵縣中興里普通五年沙

門惠劍起造惠劍生緣姓徐齊初隨舅在廬
陵於路拾得一樸樸中有繡帕帕裏有五色
紙各爲一眾始開四重都無所見未開最下
縫紙見光影如電晃曜一室因此仍感神瑞
入水不沒入火不然家人以爲法狂始就籠
猛關閉甚嚴俄而出外乃知神力因設虛座
請福空中有言曰我是長生菩薩應利益國
土汝可依佛法清淨供養於是競以香華貢
奉每有靈驗南人李叔獻結願乞本州後果
爲交州刺史乃造沉香神影世人以神童名

華因號爲華娘神百姓送供闔晉齋會所餘
惠劍教化悉以起寺右二驗出
深京寺記

南齊晉安王蕭子懋字雲昌武帝之子也始
年七歲阮淑媛嘗病危篤請僧行道有獻蓮
華供養佛者衆僧以銅器盛水浸其華莖欲
令不萎如此三日而華更鮮子懋流涕禮佛
華六誓曰若使阿姨因此勝利願佛之力令華竟
齊不萎七日齊昇華更鮮紅看視冕中稍有
根鬚母病尋差當代稱其孝感也子懋弟南
海王子罕字靈華其母樂容華寢疾子罕壽

夜禮拜于時以竹爲燈續其燈照曜訖夜極明此續經宿枝葉茂盛母病尋愈

事出吳均春秋

唐始州永安縣釋惠主姓賈持律第一兼營

福業後至故鄉南山藏伏唯食松葉異類禽

獸同集無聲或有山神與送茯苓甘松香來六時行道一時不缺禽獸隨行禮佛誦經似如聽仰仍爲幽顯受菩薩戒後有羣猴共爲治道主曰汝性躁擾而作此何爲獮猴答言

時君異也佛日通也主深怪異畜生能言罕所未有更有祥龍飛獸集持異香充塞山內

後有八人採弓林者甚大驚駭便慰主曰聖君出世時號開皇矣至貞觀三年寺有明禪師清卓不羣白日獨坐見無半身向衆述曰吾與主律師建立此寺兩人同心忽失半身將主律師先去不耶至明日食時俗人驚云寺家設會耶見有四路客僧數千人入寺今何所在尋爾午時主便無疾而逝春秋八十九

唐雍州渭南縣南山倒狗谷崖有懸石文狀倒狗因以名焉谷有巖像於佛面亦號像谷

古老傳云昔有梵僧來云我聞此谷有像面山七佛龕昔有七佛曾來此谷說法澗內有

瞻荀華常所供養近至永微年中南山龍池寺沙門智積聞之往尋至谷聞香莫知何所深訝香氣從澗內沙出即撥沙看形似茅根

裏甲沙土然極芬馥就水抖擻洗之一澗皆香將還龍池佛堂中合掌皆香極深美氣山下俗人時見此山或如佛塔或全如佛面挺出空際故像頭之號非是虛立傍去嘉美谷甚近即姚秦時王嘉所住也

唐高僧傳
右二驗出

○搜神記曰初鈞弋夫人有罪以謳死殯屍不臭而香

○續搜神記曰合肥口有一大白船覆在水中漁人夜宿其傍聞箏笛之音又香氣非常發相傳云曹公載妓船覆於此

○異苑曰司州衛士度母常誦經長齋非道不行曾出自齋堂衆僧未食俱望見雲中有一物下既落其前乃是大鉢滿中香飯舉座肅然一時敬禮母自分賦齋人皆七日不飢○述異記曰昔有人發廬山採松聞人語云

此未可取此人尋聲而上見一異華形甚可愛其香非常知是神異因掇而服之得壽三百歲也

○幽冥錄曰陳相子吳興烏程人始見佛家經遂學昇霞之術及在人間齋輒聞空中殊

華六

十六

音妙香芬芳清越

○許邁別傳曰邁少名暎高平閻慶等皆就

受業初慶等方去暎燒香皆五色烟出

○佛圖澄傳曰澄以鉢盛水燒香呪之須臾

生青蓮華

○博物志曰西域使獻香漢制獻香不滿斤不得受西使臨去乃發香器如大豆者試著宮門香氣聞長安四面數十里中經日乃歇

○扶南傳曰頓遜國人恒以香華事天神香有多種區撥葉華致華各遂華摩夷華冬夏

不衰日載數十車於市賣之燥乃益香亦可

為粉以傳身體

○述征記曰北荒有張母墓舊說是王氏妻葬有年載後開墓而香火猶然其家奉之稱清水道

○世說曰桓車騎時有陳莊者入武當山中學道所居有白烟香氣聞徹

○麝香山海經曰翠山之陰多麝本草經曰麝香味辛辟惡氣殺鬼精生中臺山

○歲蕤香孫氏瑞應圖曰歲蕤者王禮備至

則生本一日王者愛人命則生一名歲香

○鬱金香周禮春官上鬱人曰鬱人掌裸古亂切器凡登禮賓客之裸和鬱鬯以實彝而陳之蔡鬱金炎之以和鬯酒也說文曰鬱鬯百草之華遠方所貢芳物鬱人合而釀之以降神也

○蘇合香續漢書曰大秦國合諸香煎其汁謂之蘇合廣志曰蘇合香出大秦國或云蘇合國國人採之笮其汁以爲香膏乃賣其淳與賈客或云合諸香草煎爲蘇合非自然一種物也傳子曰西國胡言蘇合香者獸所作也中國皆以爲怪

○鷄舌香吳時外國傳曰五馬州出鷄舌香續搜神記曰劉廣豫章人年少未婚至田舍見一女云我是何參軍女年十四而天爲西王母所養使與下土人交廣與之經綿其日

於席下得手巾裹鷄舌香其母取巾燒之乃

坤靈今通

是火浣布南州異物志曰鷄舌香出杜薄州云是草萎可含香口俞益期牋曰外國老胡說衆香共是一大木木華爲鷄舌香也

○雀頭香江表傳曰魏文帝遣使於吳求雀

頭香

○薰陸香魏略曰大秦出薰陸南方草物狀曰薰陸香出大秦國云在海邊自有大樹生於沙中盛夏時樹膠流涉沙上夷人採取賣與人南州異物志同其異者唯云狀如桃膠典術又同唯云如陶松脂法長飲食之

俞益期牋曰衆香共是一木木膠爲薰陸流黃香吳時外國傳曰流黃香出都昆國在扶南南三千餘里南州異物志同也廣志曰流黃香出南海邊國

華光

十八

○青木香廣志曰青木出交州徐袁南方記

曰青木香出天篤國不知形狀南州異物志曰青木香出天竺是草根狀如甘草俞益期

牋曰衆香共是一木木節是青木

○旃檀香竺法真登羅山疏曰旃檀出外國

元嘉末僧成藤於山見一大樹圓蔭數畝丈餘圍辛芳酷烈其間枯條數尺援而刃之白栴檀也俞益期歲曰衆香共是一木木根爲栴檀

○甘松香廣志曰甘松出涼州諸山

○兜納香魏略曰出大秦國廣志曰兜納出西方艾納香廣志曰艾納香出罽國樂府歌曰行胡從何來列國持何來瞿瞿翫五木香迷迭艾納及都梁

○藿香廣志曰藿香出日南諸國吳時外國

傳曰都昆在扶南出藿香南州異物志藿香出典遜海邊國也屬扶南香形如都梁可以著衣服中俞益期歲曰衆香共是一木木葉爲藿香

○楓香南方記曰楓香樹子如鴨卵爆乾可燒魏武令曰房室不潔聽得燒楓膠及蕙草棧香廣志曰棧香出日南諸國

○木蜜香異物志曰木蜜香名曰香樹生千歲根本甚大先伐僵之四五歲乃徃看歲乃徃看歲月久樹根惡者腐敗唯中節堅貞芬

香獨在耳廣志曰木蜜出交州及西方本草經曰木香一名蜜香味辛溫

○耕香南方草物狀曰耕香莖生烏蔚○都梁香廣志曰都梁出淮南

○沉香異苑曰沙門支法存在廣州有八尺

龜凳又有沉香八尺板牀太元中玉漢爲州大兒劭求二物不得乃殺而籍焉南州異物志曰木香出日南欲取當先斫壞樹著地積久外自朽爛其心至堅者置水則沉香其次在心白之間不其堅精置之木中不沉不浮

與水平者名曰棧香其最小麌白者名曰槧香顧徵廣州記曰新興縣悉是沉香如同心草土人所之經年朽爛盡心則爲沉香愈益期歲曰衆香共是一木木心爲沉香

○甲香廣志曰甲香出南方范曄和香方曰

甲煎燒香是也

○迷迭香魏略曰大秦出迷迭廣志曰迷迭出西海中

○苓陵香南越志曰苓陵香土人謂爲鷄草芸香大戴禮夏小正月採芸爲廟菜禮記月

令曰仲冬之月芸始生鄭玄曰芸草也說文曰芸草似首蓿淮南說芸可以死而復生弼曰蘭香周易繫辭曰同心之言其臭如蘭王弼曰蘭芳也易

通卦驗曰冬至廣莫風至蘭始生說文曰蘭香草也本草經曰蘭草一名水香久服益氣

輕身不老

○槐香出蒙楚之間故稽合述槐香賦序兜末香漢武故事曰西王母當降上燒兜末香兜末香者兜渠國所獻如大豆塗門者聞百里閭中嘗大疫死者相係燒此香死者止反

生香真人關尹傳曰老子曰真人遊時各各坐蓮華之上華徑十丈有反生靈香送風聞三十里

○神香十州記曰天漢三年西國王使獻靈膠吉光裘神香使者香起天殘之死疾後元年長安城內大病死者日百數帝試取月支神香燒之於城內其死未三日皆活芳氣經三月不歇帝使祕錄餘後一旦失之

○驚精香十州記曰聚曰洲在西海中上多真仙靈館宮第北門有大樹與楓木相似而

芳香聞數百里名爲反塊樹扣樹能有聲如牛吻聞者駭振伐其根心於玉谷中煮取汁更微煎令可丸名曰驚精香或名震靈又名反生香或名人鳥精或名却死香香聞數百里死屍在地聞氣仍活

唱讚篇第三十四此有四部

述意部

引證部

讚歎部

音樂部

述意部第一

夫褒述之志寄在詠歌之文詠歌之文依乎

聲響故詠歌巧則褒述之志申聲響妙則詠歌之文暢言辭待聲相資之理也尋西方之有唄猶東國之有讚讚者從文以結章唄者短偈以流頌比其事義名異實同是故經言以微妙音聲歌讚於佛德斯之謂也昔釋尊入定琴歌震於石室婆提颶唄清響激於淨居覺世至音固無得而稱矣至于末代修習極有明驗是以陳思精想感漁山之梵唱帛橋誓願通大士之妙音籥練勤行受法韻於幽祇文宣勸誠發夢響於齋室並能寫氣天

宮摹聲淨、利抑揚辭契吐納節之斯亦神應
之顯微學者之明範也原夫經音爲懿妙出
自然製用可修而研響非習蓋所以炳發道

聲移易俗聽當使清而不弱雄而不猛流而

不越凝而不滯趣發祇驚之風韻結霄漢之

氣遠聽則汪洋以峻雅近屬則縱容以和肅
此其大致也經稱深遠雷音其在茲乎若夫
稱講聯齋衆集水久夜緩晚遲香消燭掩睡
蓋覆其六情懶結纏其四體於是擇妙響以
昇座選勝聲以啓軸宮商唄發動玉振金反

折四飛哀悅七衆同迦陵之聲等神驚之響
能使寐魂更開情情還肅滿堂驚耳列席歡
心當爾時乃知經聲之爲貴矣

引證部第二

如長阿含經云其有音聲五種清淨乃名梵

第六

廿三

聲何等爲五一者其音正直二者其音和雅
三者其音清徹四者其音深滿五者周遍遠
聞具此五者乃名梵音

又梵摩喻經云如來說法聲有八種一最好
聲二易了聲三柔軟聲四和調聲五尊惠聲

六不誤聲七深妙聲八不女聲言不漏闕無得其短者

又十誦律云爲諸天聞唄心喜故開唄聲也
又毗尼母經云佛告諸比丘聽汝等唄唄者
言說之辭雖聽言說未知說何等法佛言從
修多羅乃至優婆提舍隨意所說十二部經
復有疑心若欲次第說文衆大文多恐生疲
厭若略撰集好辭直示現義不知如何以是
因緣具白世尊佛即聽諸比丘引經中要言
妙辭直顯其義爾時有一比丘去佛不遠立

高聲作歌音誦經佛聞不聽用此音誦經有
五過患同外道歌音說法一不名自持二不
稱聽衆三諸天不悅四語不正難解五語不
巧故義亦難解是名五種過患又賢愚經云
昔佛在世時波斯匿王與兵衆至祇洹邊過
聞一比丘唄聲雅好軍衆立聽無有厭足象
馬豎耳住不肯行王與軍衆即入寺看見唄
第六十三比丘形貌矬短醜陋極盛王不忍看王即問
佛今此比丘宿作何業得斯果報佛告王曰
乃往過去有佛出世號曰迦葉入涅槃後機

里毗王收其舍利欲用起塔有四龍王化作人形來到王所問起塔事爲用寶作爲用土耶王即答言欲令塔大無多寶物今欲土作令方五里高二十五里龍白王言我是龍王故來相問若用寶作我當佐助王聞歡喜龍復語王四城門外有四泉水東門泉水取用作盤變成瑞琉璃南門泉水取用作盤變成黃金西門泉水取用作盤變成白銀北門泉水取用作盤變成白玉王聞是語倍增歡喜即立四監各典一扇其三監者作工欲成一監

懈怠工獨不就王行看見以理訶責其人懷怨而白王言此塔太大當何時成王勑作人晝夜勤作一時都訖塔極高峻衆寶莊嚴極有異觀其監見已歡喜踊躍懺悔前過持一金鈴著塔擰頭發其願言令我所生音聲極好一切衆生莫不樂聞將來有佛號釋迦牟尼使我得見度脫生死緣於往昔嫌塔大故生恒醜陋由持金鈴懸塔擰頭及願見佛從是以來五百世中極好音聲今復值佛出家修道得阿羅漢果以是因緣一切衆生見他

作福不應毀訾後得惡報悔無所及也

讚歎部第三

如菩薩本行經云佛告阿難我念往昔有一
如來出現於世號曰弗沙多陀阿伽度阿羅
第6
第14

三藐三佛陀時彼佛在雜寶窟內我見彼
佛心生歡喜合十指掌翹於一腳七日七夜
而將此偈讚歎彼佛而說偈言

天上天下無如佛 十方世界亦無比
世間所有我盡見 一切無有如佛者
阿難我以此偈讚歎彼佛已發如是願乃至彼

佛語侍者言是人過於九十四劫當得作佛
號釋迦牟尼我於彼時得授記已不捨精進
增長功德無量世中作梵釋天轉輪聖王以
是善業因緣力故我得四種辯才具足無有
一人能與我論降伏我者我得成阿耨菩提
乃至轉於無上法輪又涅槃經云時迦葉菩
薩即於佛前以偈讚佛

憐愍世間大醫王 身及智慧俱寂靜
無我法中有真我是故敬禮無上尊
發心畢竟二不別 如是二心先心難

自未得度先度他 是故我禮初發心

又寶性論偈云

我今悉歸命

一切無上尊

爲開法王藏

廣利諸羣生

佛體無前際

及無中間際

亦復無後際

寂靜自覺知

第6既自覺知已

覺他令他覺

是故爲彼說

無畏常恒道

佛智慧悲力

能執金剛杵

摧破諸見山

故我今敬禮

不可思量法

非聞慧境界

出離言語道

內心智清涼

彼真妙法日

清淨無塵垢

大智慧光明

普照諸世間

能破諸障礙

覺觀貪瞋癡

一切煩惱等

故我今敬禮

以能知於彼

自性清淨心

見煩惱無實

故離諸煩惱

無障淨智慧

如實見衆生

自性清淨心

佛法身境界

無礙淨智眼

見諸衆生性

遍無量境界

故我今敬禮

又發菩提心論論主讚佛偈云

敬禮無邊際

去來現在佛

敬禮無邊際

等空不動智

救世大悲尊

吾師天中天兩行偈

出普曜經云何得長壽兩行

偈出涅槃經如來妙色身兩行偈出勝鬘經處世界如虛空兩行偈出超日明經

大慈哀愍羣生 爲蔭蓋盲冥者
開無目使視睇 化未聞以道明
處世界如虛空 猶蓮華不著水

心清淨超於彼 稽首禮無上尊
述曰漢地流行好爲刪畧所以處衆作喚多
爲半偈故毗尼母論云不得作半喚得突吉
羅罪然此梵喚文辭未審依如西方出何典
詰答但聖開作喚依經讚偈取用無妨然聞

內闢外吳蜀唄辭各隨所好唄讚多種但漢
梵既殊音韻不可互用至於宋朝有康僧會
法師本康居國人博學辯才譯出經典又善
梵音傳況洹嗚聲製哀雅擅美於世音聲之
學咸取則焉又昔晉時有道安法師集製三
篇六科上經上講布薩等先賢立制不墜於地天
下法則人皆習行又至魏時陳思王曹直字
子建魏武帝第四子也幼合珪璋十歲屬文
下筆便成初不改定世間術藝無不畢善那
鄆淳見而駭服稱爲天人植每讀佛經輒流

連嗟詩以爲至道之宗極也遂製轉讀七聲
升降曲折之響世之諷誦咸憲章焉嘗遊魚
山忽聞空中梵天之響清雅哀婉其聲動心
獨聽良久而侍御皆聞植深感神理彌悟法
應乃摹其聲節寫爲梵唄撰文製音傳爲後
式梵聲顯世始於此焉其所傳唄凡有六契
音樂部第四

華端正殊妙世所希有聰明智慧難可刪對
婦女所有六十四藝皆悉備知善解舞法迴
轉俯仰曲得節解作是唱言今此城中頗有
能舞如我者不明解經論能問答不時人答
曰有佛世尊在迦蘭陀竹林善能問答使汝
第廿六無疑舞女聞已尋將諸人共相隨逐且歌且
舞到竹林中見佛世尊猶故憍慢放逸戲笑
不敬如來爾時世尊見其如是即以神力變
此舞女如百年老母髮白面皺牙齒踈闊俯
樓而行行而舞女自觀其身形狀極老而作

是言今此女身以何因緣卒有如是衰相現耶今者必是佛之威神使我故爾遂於佛前深心慚愧唯願世尊當見無怒爾時世尊知此舞女心已調伏以神通力變身如前大眾見此舞女卒老卒壯無有常定各生厭離解悟無常心開意解有得四沙門果者有發無上菩提心者時彼舞女及其父母即於佛前求索出家佛即告言善來比丘尼頭髮自落法服着身成比丘尼精勤修習得阿羅漢果諸天世人所見敬仰時諸大眾見是事已請

說因緣佛告大眾乃往過去無量世時波羅柰國王有太子字孫陀利入山學道獲五神通見緊那羅女端正殊妙狀如諸天作諸姿態且歌且舞鼓動我心望使染著退失仙道我於彼時心遂堅固無有欲想語彼女言一切有為無有常定我今觀汝形體臭穢充滿其中薄皮覆上不可久保正是當有髮白面皺俯儻而行汝今何爲嬌慢放恣乃至如是向者歌聲其音已變何故在此作諸姿態於是緊那羅女聞是語已尋向仙人懺悔罪咎

因發願言使我來世得斷生死我於汝邊獲得道果佛告大衆欲知彼時王子學仙道者則我身是彼緊那羅女者今青蓮華比丘尼是由於彼時發願力故今值我出家得道比丘聞已歡喜奉行

第六

廿八

又百緣經云佛在世時迦毗羅衛城中有一長者財寶無量不可稱計其婦生男端正殊妙世所希有年漸長大有好音聲令衆樂聞值佛出家得阿羅漢果諸比丘等請佛爲說得道因緣佛告比丘乃往過去九十一劫有

佛出世號毘婆尸入涅槃後有國王名槃頭末帝收取舍利造四寶塔高一由旬而供養之時有一人見此塔故心懷歡喜便作音樂以達供養發願而去緣是功德九十一劫不墮三塗天上人中常好音聲令衆樂聞乃至今者遭值於我出家得道比丘聞已歡喜奉行

又百緣經云昔佛在世時舍衛城中有諸人民各自莊嚴作唱妓樂出城遊戲至城門中遇值佛僧入城乞食諸人見佛歡喜禮拜即

作妓樂供養佛僧發願而去佛即微笑語阿難言此諸人等由作妓樂供養佛僧緣此功德於未來世一百劫中不墮惡道天上人中最受快樂過百劫後成辟支佛皆同一號名第六曰妙聲以是因緣若人作樂供養三寶所得功德無量無邊不可思議故法華經偈云若使人作樂擊鼓吹角貝簫笛琴箜篌琵琶銕銅鉦如是衆妙音盡持以供養皆已成佛道

鐵圍有大黑山亦在十寶山間無有佛法日月星辰由昔布施之力今居七寶宮殿壽命甚長此王本人中有大長者興造佛塔此緊那羅施一刹柱成辦寺廟復以淨食施於工匠壽盡作胷臆神在兩山間先在人中為大長者居財無量有一沙門乞食婦擎飯施之乃大瞋怒云何乞人瞻視我婦當令此人手腳斷壞壽終以後受此醜形八十四劫常無手足諸天譙會皆悉與乾闥婆分番上下天欲奏樂而其腋下汗流便自上天有一緊那

又菩薩處胎經云緊那羅住須彌山北過小

羅名頭婁磨琴歌諸法寶相以讚世尊時須彌山及諸林樹皆悉震動迦葉在座不能自安五百仙人心生狂醉失其神足

又大樹緊那羅王所問經云爾時大樹緊那羅王以已所彈瑞璃之琴間浮檀金華葉莊

嚴善淨業報之所造作在如來前善自調琴又餘八萬四千妓樂是大樹王當彈此琴鼓衆樂時其音普皆聞此三千大千世界是琴音聲及妙歌聲隱蔽欲界諸天音樂所有諸山藥草叢林悉皆遍動如人極醉前却顛倒

須彌崛涌不定一切凡聖唯除菩薩不退轉者其餘一切聞是琴聲及諸樂音各不自安從座起舞一切聲聞放舍威儀誕貌逸樂如小兒舞戲不能自持爾時天冠菩薩語是聲聞大迦葉等汝諸大德已離煩惱得八解脫云何今者各捨威儀如彼小兒舉身動舞於時大德諸聲聞等答言善男子我於是中不得自在如旋嵐大風吹諸樹木彼無有能力自安持非彼本心之所欲樂爾時天冠菩薩語大迦葉汝今觀是不退菩薩威德勢

力誰見如是而當不發無上正真菩提道心
琴聲威力皆說法音八千菩薩得無生忍頌

曰

玄亮吐清氣 神響徹幽聾

登臺發春詠

高興希避縱

乘虛感靈覺

漁山振思童

摹寫天歌梵

冀布法音同

忘高故不下

飄颻數仞中

比丘歌聲唄

人畜振心鍾

斯由暢玄句

即感鴈遊空

神期發筌悟

豁爾自靈通

感應緣

畧出
驗

晉沙門吊法橋

沙門支晏籥

齊沙門釋僧辯

沙門釋曇懶

齊有仕人姓梁

唐刺史任義方

晉中山有帛法橋是中山人少樂轉讀而稍
乏聲每以不暢爲慨於是絕粒懺悔七日七
夕稽首觀音以祈現報同學苦諫誓而不改

至第七日覺喉內豁然第十六即索水洗漱云吾有

應矣於是作三契經聲徹三里許遠近驚嗟

人畜悉來觀聽爾後誦經五十萬言晝夜諷
詠哀婉通神至年九十聲猶不變以晉穆帝

永和中卒於河北即石虎末世也

晉有支曇籥本月支人寓居建業少出家精苦蔬食憩吳虎丘山晉孝武初勅請出都止建初寺孝武從受五戒敬以師禮籥特稟妙聲善於轉讀嘗夢天神授其聲法覺因裁製新梵響清美四飄却轉反折還弄雖復東阿先變康會後造始終循還未有如籥之妙後進傳寫莫匪其法所製六言梵唄傳響于今後終於所住年八十一

王夢於佛前詠維摩一契因聲發而寤即起至佛堂前還如夢中法更詠古維摩一契便覺音韻流好有工恒曰明日即集京師善聲沙門僧辯等次第作聲辯傳古維摩一契瑞應七言偈一契最是命家之作後人時有傳齊安樂寺有釋僧辯姓吳建康人出家止安

者並訛失大體辯以齊永明十一年卒
齊白馬寺有釋曇馮姓楊捷爲南安人少遊

京師學轉讚止白馬寺音調甚工而過且自

任時人未之推也於是專精規矩更加研尋

晚遂出郡翕然改觀誦三本起經尤善其聲

第六

三十二

後還蜀止龍淵寺已漢懷音者皆崇其聲範
每梵音一吐輒象馬悲鳴行途住足因製造
銅鐘於未來常有八音四辯庸蜀有銅鐘始
於此也後終所住吳景帝世烏程民有得固
病及差能以響言響言者於此而聞彼然自

所聽之不覺其聲之大也自遠聽之如人對
言不覺聲之自遠來也聲之所往隨其所向
遠者不過十數里

右此四驗出
梁高僧傳

北齊時有仕人姓梁甚豪富將死謂其妻子

曰吾平生所愛奴馬及皆使用日久稱人意

吾死以爲殉不然無所乘也及死家人以囊

盛土壓奴殺之馬猶未殺奴死四日而鰥說
云當不覺去忽至官府門門人因留止在門
所經一宿明日見其亡主被鎖兵守衛入官
所見奴謂曰我謂死人得使奴婢故遺言喚

汝今各自受其苦全不相關今當白官放汝
言畢而入奴從屏外聞之見官問守衛人曰
昨日壓脂多少乎對曰得八斗官曰更將去
壓取一斛六斗主則被壓牽出竟不得言明
卷六
旦又來有善色謂奴曰今當為汝白也又入
三十三
官問得脂乎對曰不得官問何以主司曰此
人死三日家人為請僧設會每聞經唄聲鐵
梁輒折故不得也官曰且將去主司白官請
官放奴即喚放俱出門主遣傳語其妻子曰
賴汝等造福獲免大苦然由未脫更能造經

像以相救濟冀因得免自今無設祭既不得
食而益吾罪言畢而別奴遂重生而具言之
家中果以其日設會於是傾家追福合門練
行古一驗出
報拾遺記

唐括州刺史樂安任義方武德年中死經數

日而蘇自云被引見閻羅王王令人引示地
獄之處所說與佛經不殊又云地下晝夜昏
暗如霧中行于時其家以義方心上少有溫
氣遂即請僧行道義方乃於地下聞其讚唄
之聲王檢其案謂之吏曰未合即死何因錯

追逐放令歸義方
度三關關吏皆睡送人
云但尋喎聲嘗即舍見一大坑當道意欲
跳過遂落坑中應即起論說地獄盡地成
圖其所得俸祿皆經像曾寫金剛般若干
餘部義方自說右出吳遺

法苑珠林卷第三十六

音釋

詣	契吉切	琛	丑	捺	他達	裏	以制跨苦化
擣	問也	也	搏	都皓	切	闔	切
躁	則到切	躁	春也	羣盧	戈切	闔	切
鴉	交靜也	不	鴟	蚌屬	劍切	撲	房王切
羣	則退也	羣	之	鷺屬	之逐	撲	叱也
羣	織毛也	若	羣	羣	劍切	羣	其俱
羣	織毛也	不	羣	羣	羣	羣	羣
羣	羣	羣	羣	羣	羣	羣	羣